



## Curdem da gronda dimensiun

La vischnaunca organischescha ina rimnada da rufid bloccont sco suonda:

**Venderdis, ils 28 d'october 2022, dallas 8.00–18.00 Ei vegn rimnau il rufid per l'entira vischnaunca sin la piazza Igniu** (spel baghetg economic).

Ils curdems ein da deponer els containers ni navettas tschentai sil plaz. Per tenercasa vegn priu encunter **max. 2 m<sup>3</sup>** rumians. Quantitads pli grondas ein da transportar directamein e sin cuost dil caschunader ella deponia regiunala a Rueun. Rumians vegnan buca pri encunter. Tals rumians ein da plazzar als plazs da rimnada usitai els vitgs e che vegnan rimnai entras la Regiun Surselva mintgamai la mesjamna.

## Ei vegn acceptau

- maschinas pintgas e mopeds senza ieli ni benzin, da tuttas sorts fier, maschinas electronicas senza ieli, mobiliar movibel buca culau giu, requisits dil temps pigns
- per pneus senza gavegl vegn incassau ina taxa da frs. 5.–, cun gavegl frs. 10.–
- per pneus da maschinas agricolas pintgas vegn incassau frs. 20.– e per pneus da tractur frs. 50.–.
- Calzers da skis san vegnir dai giu en favur dalla Argo Tavau per frs. 5.–.

## Buc acceptau vegnan

- tuttas maschinas agricolas, lenna da brisch, veglia e da baghetg, sacs da pupi ni plastic, materials da pachetar, requisits dil temps liber gronds, blahas da ballas da silo, curdems da baghetg, curdem verd da curtin (deponia verda), cartun e pupi vegn rimnau entras la scola

## Ils suandonts rumians vegnan rimnai cun ils rumians jamnils:

- sacs tochen 50 kg; 1 marca da frs. 2.50, rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50 e rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appellein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislazion per la dismessa da rumians e vegnan annunziadas als organs responsabels e puni.

Per ulteriuras informaziuns stat la gearua responsabla bugen a Vossa disposiziun.

Sumvitg, 21-10-2022

*Departament ambient*

## Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiv risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida. Quellas lavurs da preparaziun sil temps d'unviern ston vegnir exequidas entochen la fin d'october 2022. En cass d'omissiun refusescha la vischnaunca suenter la sesiun d'unviern scadins donn occurr ord la rumida da neiv.

Sumvitg, 21-10-2022

*Departament traffic*

### **Rumida da neiv 2022/23**

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu, nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats duront gl'unviern proxim ein supplicai d'annunziar quei a scret ni per telefon entochen ils **31 d'october 2022** al cau dil menaschi stradal (tel. 079 483 52 97).

Sumvitg, 21-10-2022

*Departament traffic*

### **Serrada via Puzzastg**

Muort la raccolta da lenna ei la via da Puzzastg serrada naven da **gliendisdis, ils 24-10-2022, entochen venderdis, ils 4-11-2022**. Las fin d'jamnas resta la via serrada. Nus engraziein per Vossa capientscha. Ulteriuras informaziuns survegnis Vus directamein da nies selvicultur Beat Cadruvi (tel. 079 681 19 67).

Sumvitg, 21-10-2022

*Departament forestal*

### **Orientaziun pertuccont revisiun dalla planisaziun locala**

Gia dapi entgins onns sefatschenta la suprastonza communal cun la revisiun dalla planisaziun locala. Las lavurs preparatoricas van uss ella fasa finala. Entochen la fin mars 2023 sto la suprastonza communal inoltrar agl uffeci cantunal ina proposta per la revisiun dalla planisaziun locala respectivamein definir tgei parcelas che dueien star vinavon en ina zona da baghegiar e tgeininas che dueien vegnir exzonadas. Da questa revisiun parziala ein convischinas e convischins sco era possessuras e possessurs da terren da baghegiar d'ordeifer pertuccai. El decuors dalla stad ein proprietaris da terren da baghegiar vegni envidai da prender part dad ina retscherca cun la quala la suprastonza communal ha vuliu intervegnir ils plans per las parcelas en zona da baghegiar. A caschun d'ina sera d'orientaziun vul la suprastonza communal presentar ina survesta dils resultats dalla retscherca. Plinavon eis ei per la suprastonza communal impurtont da saver informar davart la procedura che spetga nossa vischnaunca e tedlar ils meinis dallas convischinas e dils convischins sco era dils possessurs da terren da baghegiar. L'orientaziun ha liug sonda, ils 12 da november 2022, allas 16.00 en sala dalla casa da scola Surrein. La suprastonza communal envida convischinas, convischins, possessuras e possessurs da terren da baghegiar cordialmein all'orientaziun e selegra sin bunas discussiuns.

Sumvitg, 21-10-2022

*Suprastonza communal*

## Uffeci civil Surselva

### Naschientscha

**Cajacob Fabienne**, naschida ils 9-10-2022 a Glion, affon da Simon e Marina Cajacob, sesents a Sumvitg.

**Berther Lian**, naschius ils 14-10-2022 a Glion, affon da Flurin e Ramona Berther, sesents a Rabijs.

### Mortori

**Schnoz David**, naschius ils 23-7-1969, morts ils 11-10-2022, staus sesents a Rabijs.

**Monn Raimunda**, naschida ils 27-8-1935, morta ils 13-10-2022, stada sesenta a Sumvitg.

Sumvitg, 21-10-2022

*Controlla da habitonts*

## Rimnada da pupi e cartun

*Venderdis, ils 28-10-2022*

*Avonmiezdi:* Rabijs, Sumvitg, Cumpadials, S. Benedetg e Clavadi

*Suentermiezdi:* Surrein

Sch'enzatgi vul menar sez siu pupi e cartun allas muldas, sesanflan quellas els loghens usitai a Rabijs, Cumpadials, Sumvitg ed a Surrein.

Per simplificar la rimnada supplichein nus Vus da far pigns pacs e ligiar ils pachets da pupi sco era quels da cartun aschia ch'els dettien buca dapart.

Grond engraziament per Vossa capientscha e bunaveglia!

*Scolaras e scolars cun las persunas d'instrucziun dil Consorzi da scola Sumvitg-Trun*

## Uniun da gimnastica Sumvitg

**Radunonza generala, gievgia ils 27-10-2022**, allas 19.30 ella «Ustria dalla staziun» a Sumvitg

Ei fagess plascher, sche ina ni l'otra vegness a far gimnastica cun nus, ni semplamein ad ina ura da fuffergnadi.

Nies program ei varionts: pilates, spassegiadas, sault creativ, trenaments da moviment e condiziun, calziers da neiv, karate, spinning, seras da divertiment ed aunc bia auter.

Pia, neu era ti cun nus e resta movibla. Annunzias e damondas tier la presidenta Nicole A., 079 542 07 43, ni l'actuara Nicole C., 076 464 48 21

Cordialmein envida

*la suprastonza*

## Uniun samaritana Sumvitg-Trun

Nus envidein in e scadin da vegnir a tedlar il referat da signur Jürg Mayer, menader dil CareTeam Grischn. Quel ha **liug mardis, ils 25 d'october 2022**, allas 20.00 ella sala da cultura a Trun. Signur Mayer orientescha sur dalla lavur dil CareTeam, co quel funcziuna, cu el vegn en acziun e tgei pensums e sfidas che s'audan tier sia lavur. Quei ein franc fetg interessantas investas!

Perquei schein nus gia oz: cordial beinvegni.